

«ՅՃՆ իր պորտով,
հավքն իր թևով»
չէր կարող խախտել
ԽՍՀՄ սահմանը:
Բայց այսօր այդ
կայսրությունը
կործանվել է,
նրա մաս կազմող
հանրապետությունները
զբաղված են նախկին
գերտերության
ժառանգության պան-թալանով:
Իսկ ի՞նչ է կատարվում
նախկին ԽՍՀՄ-ի,
իսկ այսօր արդեն
անկախ Հայաստանի
Հանրապետության սահմանում,
ո՞ւմ են ենթարկվում
սահմանապահները,
ո՞ւմ դրոշի տակ են
ծառայում. այս և մեր
հայրենակիցներին հուզող
այլ հարցերի պատասխանն
ստանալու նպատակով
մեր թղթակիցը
հանդիպեց Թալինի, Բաղրամյանի,
Արմավիրի և Էջմիածնի
շրջաններում տեղակայված
սահմանապահ ուղեկալների
հրամանատար, փոխգնդապետ
ՎԻԿՏՈՐ ԻՎԱՆՈՎԻՉ
ԿՈՐԵՆԿՈՅԻՆ
և հարցազրույց ունեցավ
նրա հետ:



Ուրիշ հարց է, որ այսուհետև սահմանի պահպանման պարտականությունը կամաց-կամաց հայ ժողովուրդը ինքը պետք է վերցնի իր վրա:

Ի դեպ, թեև այսօր անկախ Հայաստանը սահման ունի Թուրքիայի հետ, բայց այս երկու երկրների միջև ընդհանուր սահմանի մասին ընդունված փաստաթղթեր չկան, և մեր ներկայությունն այստեղ պարտադիր է դառնում:

— Ուրեմն ո՞ւմ սահմաններն եք պաշտպանում:

— Հայաստանի, որը 74 տարի կայսրության մաս էր կազմում, իսկ այսօր Անկախ Պետությունների Համագործակցության անդամ երկիր է: Առայժմ այսքանով սահմանափակվենք:

— Գուցե հարցը այսպես ձևակերպենք. ո՞ւմ դրոշի տակ են այսօր ծառայում սահմանապահները:

— Շատ ցավոտ հարց էք տալիս: Մենք ծառայում ենք անկախ Հայաստանում, բայց ֆինանսավորվում ենք Ռուսաստանի կողմից: Բացի այդ, զորամասերում ծառայում են այսօր արդեն անկախ պետությունների ներկայացուցիչներ: Բարձրացել Հայաստանի, Ռուսաստանի կամ մեկ այլ պետության դրոշը, կնշանակի վիրավորել մյուս հանրապետությունների ներկայացուցիչներին:

Իմ աշխատասենյակի պատին փակցված է Հայաստանի դրոշը: Բայց այն չենք կարող բարձրացնել զորամասերում. դրա համար էլ դեռ նախկին ԽՍՀՄ-ի դրոշն ենք ժամանակավորապես բարձրացնում:

Իմ խորին համոզմամբ կարևորը ոչ թե այս կամ այն պետության դրոշի առկայությունն է, այլ սահմանապահների անբասիր ծառայությունը:

— Իսկ ինչպիսի՞ն են սահմանապահների և տեղական բնակչության փոխհարաբերությունները:

— Տեղացիների և կանաչ ուսադրավորների՝ տարիների ընթացքում կոփված բարեկամությունը շարունակվում է: Թեև հանրապետությունը գտնվում է տնտեսական ծանր կացության մեջ, բայց դեռ դեպք չի եղել, երբ ինչ-որ հարցով դիմենք Արմավիրի կամ մյուս շրջանների իշխանու-

թյուններին և աջակցություն չստանանք: Որովհետև բոլորն էլ հասկանում են, որ սահմանի անվտանգությունը պետության երաշխիքն է:

— Պր. Կորենկո, անկեղծորեն ասած, մեզ այնպիսի տեղեկություններ էին հասնում, որ սահմանապահ ուղեկալներում գործող սարքավորումները ապամոնտաժվում են տեխնիկան փչացնում են և այլն, և այլն: Բայց այցելելով մի քանի ուղեկալներ, մենք համոզվեցինք, որ ամեն ինչ կարգի է:

— Չգիտեմ, թե դա ում է ձեռնադրու, բայց բացահայտորեն մեզ փորձում են ստիպել քաշվել մեր «ազգային բնակարանները»: Բայց ուզում են անկախ Հայաստանի բնակչությանը երաշխավորել, որ սահմանապահ ուղեկալներից և ոչ մի սարքավորում ու տեխնիկա դուրս չեն հանվում, որ մենք ստաջվա պես աշակերտներն հսկում ենք հանրապետության անդորրը:

— Ի դեպ, պր. փոխգնդապետ, մասսայական ինֆորմացիայի միջոցները վերջերս հայտնում էին, որ Թուրքիան իր զորքերը մոտեցնում է Հայաստանի սահմաններին...

— Դրանք հերթական զորավարժություններ էին: Մենք ուշի-ուշով հետևում էինք դրանց, և կարող եմ ամենայն պատասխանատվությամբ հայտարարել, որ անհանգստանալու ոչ մի առիթ չկա:

Ի դեպ, կենտրոնական լրատվական միջոցները՝ այդ նույն «Լուրերն» ու «Նորությունները», հաճախ այնպիսի դրամատիկ հաղորդումներ են տալիս Հայաստանի որ մեր զինվորների ծնողների մոտ տպավորություն է ստեղծվում, թե հանրապետությունում պատերազմ է: Շատ հաճախ շարքայինները իրենք իրենց ծնողներին գրանամակներում ստիպված են լինում խոստովանել, որ ծառայության համար ավելի բարենպաստ պայմաններ, քան Հայաստանի սահմանապահ ուղեկալներում են, դրված վար է պատկերացնել:

— Մեր երկրում այսօր էլեկտրաէներգիայի և սննդամթերքի պակաս է զգացվում ինչպե՞ս է դա արտացոլվում սահմանապահ ուղեկալների վրա: Չէ որ սահմանի երկայնքով ձգված ամբողջ սարքավորումները աշխատում են էլեկտրաէներգիայով:

— Պետք է խոստովանեմ, որ սննդամթերքի հարցը 90 տոկոսով լուծված է (մի քիչ կարագի պակասություն ունենք միայն): Իսկ ինչ վերաբերում է էլեկտրաէներգիային, ապա թեև շրջանների ղեկավարները հնարավորին չափ օգնում են համեմատելիապես ուղեկալներում շարժիչները տեղադրել, որոնց շնորհիվ բոլոր սարքավորումները անխափան են գործում:

Մեկ անգամ ևս ուզում եմ հավաստիացնել, որ մեր ուղեկալներում կարգավիճակները շատ բարձր մակարդակի վրա գրված, բոլոր սարքավորումները գործում են անխափան, անձնակազմը իր սրբազան պարտքն է կատարում, և կմնանք այստեղ այնքան ժամանակ, որքան անհրաժեշտ է:

Հայաստանի սահմանը վստահելի ձեռքերում է...

— Պր. փոխգնդապետ, ի՞նչն է այսօր ամենից շատ հուզում սահմանապահներին:

— Նախկին ԽՍՀՄ-ի փլուզումից հետո ստեղծված շփոթ իրավիճակը իր ազդեցությունն է թողնում նաև սահմանապահ զորքերի վրա: Սպաներն ու շարքայինները հաճախ են հարց բարձրացնում, թե ինչո՞ւ ենք մենք այստեղ գտնվում, ո՞ւմ սահմաններն ենք պաշտպանում և այլն, և այլն: Առայժմ մեզ հաջողվում է բացատրել անձնակազմին, որ եթե մեզ հրամայված է աչքի լույսի պես պահպանել այս սահմանը, ապա մեր պարտքը այն կատարելն է: Եվ առ այսօր մեզ մոտ դասալքության դեպքեր չկան:

— Պր. Կորենկո, դուք ազգությամբ ուկրաինացի եք. ինչպե՞ս եք վերաբերվում Ուկրաինայի պրեզիդենտ Կրավչուկի այն հայտարարությանը, որ Հայաստանում և Ադրբեջանում ծառայող բոլոր ուկրաինացիները անմիջապես պետք է վերադառնան հայրենիք:

— Այդ հրամանը անհնար է կատարել, և ես չեմ պատրաստվում ենթարկվել դրան: Որովհետև մեր ուղեկալներում ծառայողների կեսը ռուսներ են, մյուս կեսից մի քիչ պակաս՝ ուկրաինացիներ: Եթե ուկրաինացիներն թողնենք ու հեռանանք, դրանով իսկ թշնամություն կստեղծենք ոչ միայն հայ ժողովրդի, այլև մեր ռուս ընկերների մոտ: Այնպես որ, այդ հրամանի կատարումը բացասաբար կանդրադառնա և՛ Հայաստանի, և՛ Ուկրաինայի, և՛ թե Ռուսաստանի վրա: